

Saksi beritahu RM45.8j dipindah ke akaun peribadi Najib

PH- 14/6/2022

Kuala Lumpur: Mahkamah Tinggi di sini semalam diberitahu sejumlah RM45.8 juta dipindahkan ke dalam akaun peribadi AmBank Datuk Seri Najib Razak, melalui Vista Equity International Partners Ltd (Barbados) di antara Oktober dan Disember 2014.

Naib Presiden Jabatan Operasi Perbendaharaan di Ambank (M) Berhad, Salmah Daman Huri, 50, ketika membacakan kenyataan saksi-saksi berkata, dana itu, berjumlah £8,706,021.92 juta (RM45,837,485.70 - kadar penukaran semasa) dipindahkan ke akaun bekas perdana menteri itu yang berakhir dengan nombor 880 dalam lima transaksi.

Vista Equity ialah 'shell company' yang dimiliki dan dikawal oleh Eric Tan, rakan amanah ahli perniagaan buroan Low Taek Jho atau Jho Low.

"Sejumlah RM30,032,250 telah dipindahkan pada 23 Okt 2014; RM3,624,473.70 dan RM 11,567.57 masing-masing dipindahkan pada 24 dan 26 November.

"Dua transaksi lain sejumlah RM5,360,065 dan RM6,809,129.43 berlaku pada 10 dan 18 Diember," kata saksi pendakwaan ke-23 itu ketika perbincangan bekas perdana menteri berhubung penyelewengan dana RM2.3 bilion daripada 1Malaysia Development Berhad (1MDB).

Salmah mengesahkan lima dokumen, yang semuanya menunjukkan pemindahan daripada Vista Equity melalui Amicorp Bank dan Trust Ltd, Barbados melalui Standard Chartered Bank, London sebelum ia sampai ke akaun "AmPrivate Banking-1MY" sama, yang berakhir dengan 880.

Pada hari pertama perbincangan, pihak pendakwaan berkata, ia akan menunjukkan dana 1MDB dipindahkan dalam pelbagai transaksi ke akaun Najib, iaitu AS\$20 juta bersamaan RM60,629,839.43 atau lebih RM60 juta daripada fasa pertama, AS\$30 juta bersama-

an dengan RM90,899,927.28 atau lebih RM90 juta (fasa kedua), AS\$681 juta bersamaan RM2,081,476,926 atau lebih RM2 bilion (fasa ketiga) dan urusan niaga dalam pound British bersamaan RM4,093,500 dan RM45,837,485.70 daripada jumlah gabungan RM49,930,985.70 juta atau lebih RM49 juta (fasa keempat).

Ketika pemeriksaan balas oleh peguam Najib, Wan Aizuddin Wan Mohammed, Salmah mengakui Bank Negara atau AmBank tidak menunjukkan apa-apa tanda amaran ketika semua urusan niaga itu berlangsung.

Beliau seterusnya berkata, beliau tidak sedar akaun yang berakhir dengan '880' itu milik Najib pada masa itu dan beliau hanya mengetahuinya ketika siasatan oleh pihak berkuasa.

Saksi itu juga memberi keterangan bahawa dia tidak dapat mengesahkan urusan niaga pertukaran asing itu datang daripada Najib kerana jabatannya berurusan dengan pengurus perhubungan pemegang akaun berhubung urusan niaga ini.

Sementara itu, ketika pemeriksaan semula oleh timbalan pendakwa raya kanan (DPP) Datuk Seri Gopal Sri Ram, saksi itu berkata, biasanya bank akan menghantar penyata kepada pelanggan pada hujung bulan untuk memaklumkan pelanggan mengenai jumlah baki dalam akaun mereka.

Kepada soalan lain oleh DPP Najwa Bistamam, saksi itu berkata, Najib tidak pernah membangkitkan sebarang laporan terhadap transaksi berkenaan kepada bank.

Najib, 68, berdepan empat pertuduhan iaitu menggunakan kedudukan beliau untuk memperoleh suapan berjumlah RM2.3 bilion dana 1MDB dan 21 pertuduhan pengubahan wang haram membabitkan jumlah yang sama.

Perbincangan di hadapan Hakim Datuk Collin Lawrence Sequerah bersambung.

BERNAMA



Salmah Daman Huri